

اِسْتِزْهَارِ

نومرو ۱۰

بِخِشْبِه

۱۲ تشرین ثانی ۱۳۲۴

نظر لره محل اولدیغنی کورورلردی.

مع ذلك بز شو کورلیتیرینک قفقاری براز فضلجه قیزدیرلش بر اقلیت طرفندن وقوعه کادیکنه اینانق و روم وطنداشلر مزله دائما هم آغوش بولنق ایسترز. «استشاره» الحای و قائله شو منافرت قومیه حادثاندن بحث ایتیمکه تاثیر حس ایدیور. بویولدهکی تاثیرندن آزاده قالمق بزم ایچون برامل معزدر.

ابن الضیا

اجمال خارجی

ذاتاً بک چوق اساسلری اولجه رفع وقع ایدلدیکی ایچون ذاتاً پایدار اوله حق برحالی قالماش ایکن بوسنه وهرسک الحاقی وبلغارستانک اعلان استقلالی صورتیه یکیدن ایکی ضربه شیدیده اوغرامش ارلان برلین عهدنامه سنک تعدیلی و دولت علیه عثمانیه باشده اولدیغنی حالده بو ضربات عهدشکنانه دن ضرر دیده اولان دولتره کارلی حیقان طرفدن آله ق ویریه جک تعویضاتک تدقی مقصدیه اجرای مذاکرات ایده جک قونفرانسک اسباب انعقادی بر درلو تهیته واکمال ایدیه مدی. دولتره حالا مداوله انکار ایدیورلر. مع مافیه کچن هفته ظرفنده دخی برایکی خطوه دها آتلدی. روسیه حکومتک قونفرانس پروغرامنه مقابله آوستریا طرفندن اعطا قلندیغنی اجمال اخیر مزده مذکور بولسان جواب قونفرانسک عقدی تسهیل ایده جک بر صورت اشتراپرورانه محرر ایش. یوندسماعدا باب عالی دخی قونفرانس پروغرامنی تنظیم ایدرک دول معظمیه تبلیغ ایلیمشدر. بو پروغرامک احتوا ایتدیکی یدی ماده نک خلاصه مندرجاتی بوجه آتدر:

- ۱ — روم ایلی شرقینک وضعیت سیاسی و ویرکوسی
- ۲ — بلغارستانک وضعیت سیاسی، و دیون عمومیه دن آله جنی حصه
- ۳ — بوسنه وهرسکک وضعیت سیاسی
- ۴ — دولت عثمانیه نک ضررینه اولماق اوزره صربستانه وقره طاغه تعویضات

- ۵ — عهد عتیقه نك و تجارت معاهداتك تعديلی
- ۶ — برلین معاهده سنك یكرمی اوچنچی و آلتش برنجی ماده لرینك لغاسی
- ۷ — بارواولكون لیمانلرینه عائد قره طاغك مطالباتی
- دولت علیه پروغرامنك اكثر دولترجه قبول ایدمش اولدینی بالخاصه سزاوار تذكاردر . دیگر طرفدن دولتك بلغارستان ایله اجرا ایتمكده بولندینی مذاكراتك دخی هیچ اولمز ایسه قونفرانسك تسهیل انعقادینه بادی اوله جق درجه لرده ایلرولدیکی علاوه قننورسه قونفرانسك نهایت بش هفتة ظرفنده عقد اجتماع ایده جكنه دائر اوراق حوادثده کوریلان خبرلره برماهیت موثوقیت اسناد ایتك بر خطا اوله مز . بو خصوصده باعث تردد اوله بیله جك جهت یالکوز آوستریانك اخیراً حکومت سنییه قارشو اتحادینه یلتندیکی طور و حرکت ایله صربستان و قره طاغك تداركات حریبه ده کوستردیکی فعالیتدر . آوستریا حکومتی بوسنه و هرسكك الحاقندن متحصل انفعالی بر صورت مؤثرده اظهار ایتك اوزره عثمانیلرک آوستریا متاعلرینی مقاطعه ایتلرینی ایوم حکومت عثمانیه نك تشویقاتنه حل ایدیور ، و مقاطعه نك منعی مصرأ طلب ایدرك بو مقاطعه دوام ایتدیکی مدتیجه تألیف بین مقصدیله مذاکره یه کیریشه میه جکینی بیان ایدیور .
- آوستریا حکومتك بوسنه و هرسكك الحاقی بر کیفیت واقعه نظریله تلقی ایتدیره رك بو جهتك قونفرانسه موضوع بحث اولماسنه بدایت امردنبرو چالشدینی ، قونفرانس فکربنه حالا ایدن اپی یناشمدینی ، وهله دولت عثمانیه ایله ائتلاف پیداسی ایچون بر مذاکره قیوسی آچغه پك کوچ راضی اولمش اولدینی جهته شمدی ده بو مقاطعه مسأله سی بهانه ایتسی جای استغراب اوله مز . ده قونفرانس تصوریخی خیلی تشویش ایدیور . اهالینك صرف عروق حیثتده اویانان بر غلیان سوقیله اختیار ایتدیکی بر حرکتك منعی حکومت فصل تعهد ایده بیله جك ؟ باب عالی بو ملاحظه سوقیله آوستریانك طلبنه موافق بر تعهد آلتیه کیره مز ، و آوستریاده طلبنده اصرار ایدرسه نتیجه نه یه منجر اوله جق ؟ آوستریا حکومتی دولته اجرای مذاكراتدن امتناع ایتمکه برابر روسیه ایله

حاصل ابتدیی مروی اولان استلافه رغماً قونفرانسه اشتراکدن دخی اجتناب
ایده جگمی؟ ایسته بو جهتلر محتاج تأملدر. دیگر طرفدن صربستان و قره طاغ
حکومتلری ده قونفرانس مقررآنک مطلوب و مقصود لرینه موافق دوشمیدیکی
تقدیرده صلاحه صاریله جقلری یولنده کی قولیائی فعلیات ایله تأیید ایدرک تدارکات
حربیه ده، چته تشکیلاتنده فعالیت تامه کوستریورلر. بو فعالیتک مضر اوله جنی
بیانیله انکلتزه فرانسه آلمانیا و ایستالیا دولتلری صربستانک التزام سکون ایتمسی
توصیه ایتشلر، و روسیه دخی صربستانک روسلردن معاونت بکلمامسی اخطار
ایلمش ایسه ده صربستان باش وکیلک تأمینات جوابیه سی خلافتده اوله رق
فعالیت مذکوریه فقیصه کتیرلماشدر. حتی روسیه ده بیله صربستان حسابنه
کوکلو قید اولمقده در.

خلاصه صربستان ایله قره طاغک اطرار و حرکاتی بو حکومتلر ایله اوستریا
آرمسند پک شدتلی براختلاف و قوعی اندیشلرینه میدان آچبور. حتی انکلتزه
خارجیه ناظری سرادوار غره ی دخی بواندیشه دن بحث ایدرکی اولمش،
قونفرانسک برآن عقد ایدلمس نه لزوم کوسترمشدر. غریبدرکه بتون اورویا
دولتلری سرعت ممکنه ایله پیدای استلافه لزوم کوستردکلری حالده اوستریا
حکومتی برطرفدن بالاده ایضاح اولندینی وجهله اول امرده بوقوتک اوکی
انتمسی قیدینی درمیان ایدرک دولت علیه ایله اجراقلنه حق مذاکرانی عوق تأخره
دوشورمکده، و دیگر طرفدن ده بلغرادده کی اوستریا سفیرینک صرب ولی عهدینی
طایمانزلقدن کلهرک سلامنه مقابله ایتامسی، برصرب قایقچیسنه بدعامله ایلیمسی کی
حالار ایله صربلیلری برقاندھا اغضاب و تحریک ایلیمکده در.

شوسیدلردن ناشیدرکه انکلتزه و فرانسه جرأند معتبره سندن باشلوجهلری
تهلکه حربک هنوز ازاله ایدلمدیکندن تأسفله بحث ایتکده، ومع مافیه دولت
علیه ایله بلغارستان آرمسند براستلاف حصولی امیدلرینک کتدکجه کسب قوت
ایتمسی بو تهلکه کی تقلیل ایده جگمی بالیسان دولت عثمانیه نک مسالک مسالمت
پرورانه سی لسان ستایشله یاد ایتکده در.

§ آلمانیک بر مشروطیت کامله به نائل اوله جنی حقنده تخمینلر مزك اصابتی بو هفته ظرفنده ایکی حادثه مهمه ایله تأید ایتدی . بونلردن بری ایمپراطور ویلهلمک رایخشتاغ مجلسنده کی مذاکرات معلومدن صکره پرنس بولوو ایله ملاقاتی اولوب ایمپراطور باش وکیل پرنس بولووک مجلس مزبورده کی بیاناتی تصویب ایتدیکنی ، بو تصویبک رایخشتاغ اعضاسنه تبلیغ اولنه بیله جکنی وکندینکده آلمانیا سیاتنک تأییدماتنی مشروطیت ادارهده کورمکی بروطفه عالیله اوله رق تلقی ایلدیکنی افاده ایلمشدر . ائیدی پرنس بولووک مارالذکر مذاکرات صره سنده ایمپراطورک بک خصوصی ملاقاتلرده بیله امور سیاسییه حقننده بیان مطالعات ایتک امرنده التزام تانی واحتیاط ایلیه جکی یعنی ایمپراطورک بعدما امور سیاسییه مداخله ایتیه جکی امیدنی اظهار ایتش اولدیغنه نظراً ایمپراطورک بو بیاناتی تصویب ایتدی ، شمدی به دکن حائز اولدینی نفوذ مطلقک بر قسمی ترکه قائل اولمش اولدیغنه دلالت ایدر . ذاتاً بو حادثه ک منمعی اولان ایکنجی حادثه دخی بو دلیلی مؤیددر . همده بک واضح ومعنیداردر .

ایمپراطور هر نه مناسبتله اولورسه اولسون ایراد نطق ایتدیکی زمان کندی حیسانه ، کندی افکارینه ، کندی قریحه سنه تابع ایدی . دیلدیکی کی اداره لسان ایدر ؛ اک عادی بر وسیله ایله طلافت و بلاغتنی اظهار ایلر ، اک مهم موضوعلر حقننده بیان مطالعات ایدردی . حالبوکه آلمانیا بلدیهرینه مختاریت اداره ویرلدیکنک یوزنجی سنه دوریه سی مناسبتله اجرای شادمانی ایتک اوزره مرتب بر ضیا قنده ایمپراطور حضرتی بویه یامدی ، یاخود یاپه مدی . افکار و مطالعات ذاتیه سنه جولان تام ویره جک یرده پرنس بولووک قلمه آلدینی بر نطق او قومقله اکتفا ایتدی . بو کیفیتک درجه شموانی ایضاحه حاجت یوقدر صانیرم . ایمپراطور بو وجهله پرنس بولووک ، طولایسیله هیئت وکلانک مسئولیتی تصدیق ایتش اولیور . بوایه مشروطیت اداره نک باشلوجه شرائطندن ، اک مهم اساسلر ننددر . ایمپراطورک بو مماشاتی انکاتر دهده ، فرانسه ده ایتالیاده بک زیاده ممنونیتی موجب اولدی . ممالک مذکوره غزته لری بر طرفدن آلمانیا

سیاستك بوسایه ده باعث اطمینان بر استقامت و متانت كسب ایدہ جكندن طولانی اظهار خشنوی، و دیگر طرفندہ آلمانری یکی بر اثر تكامل كوستردكاردن طولانی تبريك ایدبورلر. مع مافیه بویله بر امر عظیم قولایجه و بر قاج كونا یچنده كاملاً حصوله كله مز. دها بر چوق صفحاته كیره بیلور. ایشته آیام آتیه بزه بو صفحاتی كوستره جكدر.

§ احرار ایران هنوز اژدر استبداد ایله بوغوشیور. تبریزده کی غلبه لرینه، دها ایکی قصبه بی ضبط ایدوب دائره آفاق لرینه ادخاله موفقیه لرینه رغماً قانون اساسینك اعاده سی، مجلس مبعوثانك كشادی اسبابی تأمین ایدمه مدیلر. بالعكس شاه حضرتلری اولكندن زیاده مخالفت كوستریور. ماه حاك اونبرنده طهراندن چكلمن بر تلغرافامه مألنه نظراً بتون جامعلك دیوارلرینه شاه مشارالیه نامنه شو بولده بر بیاننامه رسمی یایشدرلمشدر: «مجلس مبعوثانی تشرین ثانیك اون دردنده اجتماع دعوت ایتكی وعد ایتش و وعد مزى ایفایه، مهابولتمقده ایدیه كده اهلینك وکیللری مشروطیت اداره ایسته مدكاری بی بیان ایتكاری کی اهای دخی مجلس مبعوثانك اجتماعه دعوت ایدلاماسنی ارزو ایتدیکندن بو آرزونك اسعافنه قرار ویردك!»

شو حالده ایرانده مشروطیت اداره ایله اداره مستبده آره سنده کی مبارزه شدیدنه دها برخیلی زمان دوامی كوره جكدر.

§ فاسده ایسه حضور و سكون اعاده ایدلدی. دولتر فاس امیری مولای حفیظمك صفت امارتی تصدیق ایتدكاری بی فاسده کی سفیرلری معرفتیه تبلیغ ایلدیلر! مشارالیهك سلمی عبدالعزیز ایسه فرانسه قونسولوسنك رفاقی ایله طنجه یه كیش و ادعای امارتن كفید ایلدیكی افدجه بیان ایتمشدر. عینی زمانده فرانسه نك برلین سفیری المانیا خارجه نظارتنده دارالبیضا حادثه نك حكم هیئته حواله سی حقننده کی ائتلافامه یه وضع امضا ایتكله فرانسه و المانیا آره سنده متحدت اختلاف دخی و بوجهله ازاله ایدلمشدر.